

Ленинэнь киява

ВЛКСМ-нь Мордовской обкомонть ды Саранскоень ошонь комитетэнь газетаст

ОКТАБРЯНЬ

8 чя,

1937 №

№ 115 (794)

ЛКСИ

7-це нө
чинь ютазэ

КОЧКАЗЬ ВЛКСМ-нь ГОРКОМОНТЬ ОД РУКОВОДСТВА

Октябрынь 5 це чистэ прядовсь Саранскоень комсомолонь городской конференциясь. Конференциясь лангс таргазь народонь врагтнэнь весе подлой тевест ды сынст, неть врагтнэнь пособниктнэ, конат эцекшнесть ошонь организациянь руководствас.

Конференциянь роботасонзо участия примаст ВЛКСМ-нь обкомонь секретаренть тевтнэнь топавтыцясь Забродин ялгась ды ВКП(б)-нь горкомонь секретаресь Закит ялгась. Сын эсист выступленияст городской комсомольской организациянь тердсть седеяк покш бдительность, народонь врагтнэнь кадовиксэст педепев лангс таргсеме, народонь врагтнэнь вредительствань последствиянень маштомо, комсомольской организациянь ваньксавтомо, роботанть парсте аравтомо. Конференциясь кунцолызе Закит ялганть сообщениянзо седе, што ушодовсь процессэсь антисоветской вредительской

банданть 6 участниктнэнь лангсо, конат Рузаевкас маштызь славной большевиктнэнь Зайцев ды Мокроусов ялгатнэнь. Конференциясь энялдьс СССР-нь Верховной Судонь Военной коллегиянь выездной сессиянь икеле, штобу сон закононь весе строгостенть коряс судья линзе подлой маштницятнэнь, штобу сынст применил наказаниянь высшей меранть—ледеманть.

Конференциясь кочкась 25 делегатт республиканской конференциянь.

Октябрынь 5-це чистэнь жо ульнесь ВЛКСМ-нь горкомонь одс кочказь пленумонть васень заседания. Пленумсонть закрытой (тайной) голосованиясо кочказь бюронь 7 члент ды горкомонь отделтнэнь заведующейть. ВЛКСМ-нь горкомонь секретарекс закрытой (тайной) голосованиясо кочказь Д. М. Адушкин ялгась („Ленинэнь киява“ газетанть редакциясто).

Комсомольской организациянь эрямозо ды тевензэ

Чамзинкань район. Кшуманця велень комсомольской организациясь (комсоргось Четаева, сон жо избачоськак) парсте аравтызе комсомолетнэнь, аволь союзной од ломантнэнь, истяжо колхозниктнэнь ды колхозницатнэнь ютксо политико-воспитательной роботанть.

Комсомолетнэ колхозниктнэнь ютксо толковизь Сталинской Конституциянь. Мокшэрзянь Конституциянь, „СССР-нь Верховной Советс кочкамогнеде Положениянь“ ды малав эрьма чистэ колхозниктнэнь ловныть газет ды евтнить Испаниясо ды Китайсэ положениядонть.

Нина Бекшаева комсомолкась тонавты сермас а содыця колхозниктнэнь ды колхозницатнэнь.

Парсте организавозь ды роботы политзанятиянь кружокось комсомолетнэнь ды аволь союзной од ломантнэнь ютксо, конань вети

преподавателесь Смирнов ялгась. Комсомолетнэнь ды аволь союзной од ломантнэнь ютксо а весть толковазь ВЛКСМ-нь уставось ды программась.

Комсомольской организациясь ютавтсь промкс, косо ульнесть товатнэсь ВЛКСМ-нь ЦК-нь IV-це пленумонть решениянть.

Промксонть виевель критикась ды самокритикась ды ульнесть лангс таргазь комитетэнь асатыксэнзэ.

Промксось эсь решениянзо сермадсь, штобу икеле-пелев неть асатыкстнэнь, конат лангс таргазть те промксонть, ликвидировамс ды роботанть аравомс истя, кода вешить ВЛКСМ-нь ЦК-нь IV-це пленумонть решениянть.

Весе комсомолетнэ промксонть максть вал, штобу вастомс Октябрынь 20-це годовщинань паропоказатель марто.

С.

Леваневскоень самолетонть вешнемась

Чухновскоень отрядозо ливтысь Архангельскоев

Октябрынь 6-це чинь валскестэнь „АНТ-6“ 4 самолетнэнь составоз Чухновский ялганть отрядозо Москвост ливтысь Рудольф островонтень, косо сон присоединился Советской Союзонь Героенть Шевелев ялганть экспедициянть ды прими участия Леваневский ялганть самолетонь экипажонть вешнемасо.

9 чассто 40 минутасто отрядось сайсь курс Архангельскоев.

6 чассто мейле огрядонь самолетнэ вадрысто валгсть Архангельской маласо аэродромс.

Кода яволявтсь ТАСС-нь корреспондентэнь Чухновский летчикесь, самолетнэ Архангельскоев ливтысь 600—700 метрань сэрсьсэ. Амдермасо (косо отрядось арсивалгомс Рудольф островонтень молемстэ) октябрынь 5-це ды 6-це читнестэ ульнесь шторм. Ней сон эль лотки. Синоптиктнэнь утвержденияст коряс октябрынь 7-це чистэнь, чинь 2-це пелькстэнь сазь, Амдермань районсонть погодась должен вадрыладомс.

(ТАСС).



Саранскоень школатне потучить „Краткий курс истории СССР“ од учебникт. СНИМКАСОНТЬ: Саранскоень 1 номер средней школань 5 „А“ классонь товнатницятне Всеволод Борисевич, Лида Козлова ды Боря Сулаков влнныть од учебниктнэнь. Фотось П. ИВАНОВОНЬ.

ЛЕДНЕМС АЗАРГАДОЗЬ КИСКАТНЭНЬ

Покш-Березникень районной комсомолской 3-це конференциясь выражает пек покш возмущениянь ды ненавистень чувстват германо-японской фашизмань маштницятнэнь-бандитизнэнь, конатне Рузаевкас злодейски маштызь Зайцев ды Мокроусов ялгатнэнь.

Районной комсомольской 3-це конференциясь целанек ды педепев присоединяется минек райононь ды республикань трудиянень вальгеентень, конатне вешить пролетарской судонть пельде ледемс народонь презренной врагтнэнь, азаргадозь кискатнэнь, террористнэнь, шпионтнэнь ды диверсантнэнь.

Германо-японской фашизмань агентнэнь бандитской действиянь вылазкаст лангс ответакс, минь

Покш-Березниковской райононь комсомолетнэ эщо седеяк пек сэррейстэ кепедсынек революционно-классовой бдительностенть ды эщо седеяк кеместэ пурнавдано Ленинэнь—Сталинэнь коммунистической партиянь ды народгнэнь вичкевикс вожденть Сталин ялганть перька, педепев лангс таргсесынек комсомольской организациянть эйтэ ды социалистической строительствань весе участкатнестэ народонь врагтнэнь ды маштсынек вредительствань последствиянэнь.

Тапасынек народонь врагтнэнь Андреевнэнь, Горбуновнэнь ды лиятнэнь лездыцянтень, конат тейнестэ ды тейнестэ вражеской тевть минек районсо.

Конференциянь президиумось.

ПОДЛОЙ МАШТНИЦЯТНЕ СУДЯЗЬ ЛЕДЕМС

Октябрынь 5-це чистэ, чить 12 чассто Саранской э, Мордовской сельскохоз-йственной школань зданиясонть ушодовсь судебной процесс антисоветской вредительской террористической организациянь лангсо, кона орудовась Рузаевкас.

Тевенть ваннэзе СССР-нь Верховной Судонь Военной Коллегиань выездной сессиясь истямо составсо: председательствующеесь—васень рангонь военной юристэсь Кандыбин ялгась, сессиянь члентнэ—васень рангонь военной юристэ Тулин ды Суслин ялгатне ды секретаресь—3-це рангонь военной юристэсь Ворожцов ялгась.

Государственной обвинителекс ульнесь Приволжской Военной Округонь прокурорось—бригоен-юристэсь Блюмфельд ялгась.

Защитась максозель защитниктнэнь коллегиянь члентнэнь Гусев, Барабанов ды Соловьев ялгатнэнь.

Подсудимоеень скамиканть лангсо аштест террористической шайкань 6 участникт. Сын кирдсть ответ СССР-нь Верховной Судонь Военной Коллегианть икеле. Наро-

донь подлой врагтнэ Сулейман Невлюдов, Сабир Мусалов, Лысенков, Чермонтеев, Еремкин, Сергеев аноксызь ды теизь Рузаевкань кавто коммунистнэнь Зайцев ды Мокроусов ялгатнэнь маштоманть. Те сын контрреволюционной террористической шайкань организаторонть Сабир Мусаловонь руководстванзо коряс, подлой гадонть Лысковонь ледемасо, те иень сентябрынь 21-це чистэ машто Зайцев ды Мокроусов ялганэнь, зардо сын ульнестэ партийной промкссо.

Октябрынь 6-це чистэ веть 12 чассто ССР-нь Союзонь Верховной Судонь Военной Коллегианть выездной сессиясь тейсь приговор контрреволюционной террористической организациянь тевензэ коряс. Выездной сессиясь топавтызе мокшэрзянь народонть вешеманзо седе, штобу подлой бандитнэнь судямс ледемас.

Мусалов, Невлюдов, Сергеев, Еремкин, Лысенков ды Чермонтеев обвиняемойтне приговореннойть социальной защитань высшей мерас—ледемс. Приговорось окончательной, обжалованияс не под-лежит.

Иенатовань комсомолонь районной конференциясто

Конференциясь ютась критикавтомо

Неть читнестэ молись комсомолонь районной 5-це конференциясь. Конференциясь югась большевистской критикавтомо. Пек аламо делегатт кортасть народонь врагтнень тевтнеде, конат орудовасть комсомольской организациятнева.

Ливтезь лангс, што народонь врагтнэ Везруков, Кистанкин (ВКП(б)-нь райкомонь икелень секретаресь) ветясть контрреволюционной работа аволь союзной од ломантнень ютксо ды снаргнестэ комсомолонь организациянтэ допрок калавтомо.

Вана костоняви народонь врагтнэ тевест. 4-це конференциястоить саезь те конференциянтэ самс, ламо организацият вейкеяк аволь союзной од ломань комсомоле эзь прима. Политической воспитаниясь кода комсомолетнень ютксо, истя жо аволь союзной од ломантнень, аравтоз пек алкинестэ.

Первичной организациянтэ секретартнень пек сеестэ полавтнестэ, секс сынст арасель возможность роботантэ аравтоме кода эрви.

Комсомолонь политтонавтнемась районсонть моли беряньстэ. Организовазь ВКП(б) нь историянтэ тонавтнемань 5 кружокт ды политграмотань 36 кружокт, но занятия ютавтнеть пек чуросто, ламо кружокка арась пропагандист. Пропагандистнень марто семинарт атак организова.

Комсомолонь хозяйствась безобразной состоянияс, ламо комсомолец лангс а мукшновить тевтэ.

Эрви меремс, што критикась ды самокритикась комсомольской организациясонть лепштязь, секс конференциянтэ делегаттнэ большевик ламо эзь критикова ВЛКСМ-нь райкомонь руководителтнень асатксет.

Ф. Юрченков.

Девяткин жуликтэнтэ

Чамзинкань район. Мокшалай велень аволь полной средней школыс историянтэ преподавателекс работы Девяткин М. С. (сон жо комсомолонь комитетнень секретарь). Политико-воспитательной работа комсомолетнень ды аволь союзной од ломантнень ютксо кодамоак а вети. Политтонавтнема арась. Иень перть вестяк эзь тейне комсомольской промкс.

Девяткин комсомольской роботань ветямонть таркас симни виждо школань директоронть Трошин марто ды ламоксть якась классов занятияс иредьстэ.

Девяткин ламо маньшес велень ломантнень. Торгаевень кельстэ маясь 100 целковойть ярмакт. Вейке ломанень кельстэ сайнесь 200 целковойть, лиянь кельстэ 500 целковойть ды истя ламонь пельде. Весеменень эзинзе пандо. Тень коряс тевесь ульнесь максозь судс, но те шкас яла мезеяк арась.

Неть безобразиятнеде ды комсомольской организациянтэ калавтомо Девяткинень бажамодонть содась комсомолонь райкомонь секретаресь, но кодаткак мерат эзь прима.

Грикс

Одкстомтоме роботанть

Югась несть Саранскоень рабфаксонть аволь беряньстэ роботасть литературной ды драматической кружоктнэ. Ней сын а роботыть, кружоктнень стувтязь кода комсомольской организациясь, истя жо профкомоськак.

П. Л.



Икелень трактористкась-орденоносепсь Паша Кавардак Московов тонавтнеме туемеде икеле якась Штейнгардской райононь колхозной паксятнева, косо роботыть МТС-нь коряс сонзэ ялганзо—трактористнэ ды жомбайнертнэ.
СНИМКАСОНТЬ: (вить ендю керш енов) Паша Кавардак, знатной комбайнерось Трофим Костенко ды трактористкась Костенко, конась роботы се тракторсонть, конаньсэ роботась Кавардак ялгась.

Фото Я. ВИКСНЕНЬ.

НАРОДОНЬ ВРАГТНЭНЬ ПОСЛЕДЫШТНЭ ДЫ СЫНСТ ПОКРОВИТЕЛЬТНЕ

ВЛКСМ-нь ЦК-нь IV-це пленумонть решениятнесэ евтязь, што эрва комсомолетнэ ды комсомольской активистнэ долгозо ды обязанности—кеместэ бороямс народонь врагтнень каршо, пьянкантэ ды бытовой разложениянтэ каршо. ВЛКСМ-нь Ичалкань райкомось те шкас тень эзизе чаркоде.

Балдасе велень аволь полной средней школань комсомольской организациянтэ „ветицк“ ульнестэ Борисов Я. Т. (школань директорось), Константинов (историянтэ преподавателесь), Юдин (комсоргос), весе сын ульнестэ народонь врагтнень последышт.

Те лембе семейкась весе виензэ путсь сенень, штобу сеземс партиянтэ ды правительстванть директиватнень тевс ютавтомаст, сын овси эсть мелявто седе, штобу кепедемс комсомолетнень ютксо большевистской идейностентэ, критиканть виевгавтозь кемекстамс комсомольской организациянтэ, сонзэ обидельностензэ ды теемс комсомольской организациянтэ алкукс боепособнойкс народонь врагтнень каршо бороямосонть.

Те тройкась весе вийсэнзэ калавтыль комсомольской организациянтэ, лавшолгавтсь учительтнень ды тонавтницатнень ютксо производственной дисциплинанть.

Сень таркас, штобу кепедемс тонавтницатнень успеваемостест, скулмамс весе учительтнень школыс асатыкстнень каршо бороямо, сын апак лотксе симнестэ винадо.

Школань икелень директорось Борисов, кона ней Ичалкань районсонть чумондоманть эйстэ оргодсь Кочкуровань районс Сабаева велес, кизнь перть Константинов марто школань лишмесэ ардтнестэ Сырезь ды Семиця велетненень, косо недлянь-недлянь симнестэ винадо.

Сень таркас, штобу ветямс колхозниктнень ютксо культурной ды политико-воспитательной работа, Борисов иредьстэ турькинесь колхозниктнень марто, тень кизэ Борисов ульнесь уш судязь.

Борисовдо эзь кадовкшно Юдингак, сон истя жо лездыль тензэ. Весе неть „роботниктнэ“ ветильт массовой пьянкат ды турьнекшныль Сидорова учительницанть кедьсэ.

Юдин, Ичалкань комсомолонь райкомонь икелень секретарентэ народонь врагонтэ Андроновонь приспешникесь, аволь вестэ иредьстэ ульцяс ваялесь, сонзэ ламоксть некснлиз колхозниктне ды тонавтницатнеяк.

Константинов морально разложился, чистэ симни винадо ды пек ламо маньшес колхозниктнень кедстэ ярмакт, конатне те шкас апак пандо.

Школань комсомольской организациясонть ульнестэ истят фактт, што кой-кона комсомолетнэ бытсэ разложились ды пачкодсть половой распущенностыс (Константинов).

Константиновонь пельде шчаткшось Балдасевань учительницась Митяшкина ды сын эйкакшонть ков бути тензэ.

Борисов эрва кода сезиль тонавтнема тевентэ, сонзэ пингстэ тонавтнемань югась нестэнтэ телень перть школастонть тустэ 73 эйкакшт. Сермас а содыця ломантнень сермас тонавтомасонть сон ветясь подрывной роботанзо.

Комсомолетнень, конат снартнестэ те тройканть критиковамонзо, сын грозьстэ комсомолсто панемасо, Телешева комсомолкась сынст критиковинзе, тень кизэ сонензэ максть выговор, сонзэ каршо жо ветясть травля, кармавтсь тонавтницатнень, штобу сын авольт кунсоло Телешева ялганть уроко, тень эйсэ сын бажастэ сеземс школанть производственной планонзо.

Неть безобразиятнеде ульнестэ макось сигнал комсомолонь райкомс, но те шкас яла мезеяк эзь тее.

ВЛКСМ-нь Ичалкань райкомось соды Юдинень весе подлой тевтнеде, но сонзэ саизе ды те шкас кирди райкомсо пионерской отделэнтэ заведующеекс. Константиновгак яла комсомолсо. Райкомось теевсь народонь врагтнень последыштэ покровителекс. Зярдэ жо сон карми комсомольской организациянтэ ваньксавтомо весе неть разложившейся элементнэ эйстэ, народонь врагтнень последыштэ эйстэ?

Ф. Н. П.

Враждебной элементнэнь подручноентэ преступной тевензэ

Кочкуровань район. Ташто Пурня велень колхозонь председателесь Астафьев Я. М. тапизе якстере уголоконтэ ды тозонь тейсь правления. Якстере уголоксонть ульнесь комсомольской тевтнень марто шкаф. Астафьев эзь епта комсоргонтьгак, молись, ды ертнинзе комсомольской весе тевтнень.

Комсомольской промкссо кортазель А. К. Бабин колхозникентэ антисоветской троцкистской агитациядонзо. Те Бабинесь мерекшнесэ Астафьевнэнь, штобу сон комсомольской тевтнень ютксто салавлize протоколонтэ, косо сермадозь Бабинень подлой тевтнеде. Астафьев топавтызе вражеской вылазкань тевентэ.

Тедэ башка Астафьев колхозонь правления роботамо саизе народонь врагонтэ Я. Кандинэнь, конань марто сын а мезень кизэ 60 трудочис штрафовизь активной комсомолетнэ М. И. Ульяшкинэнь, конань комсомолонь райкомось ды первичной организациясь кучизь курсов.

А. К. Бабин ды Я. О. Кандин аволь умок примазь колхозс, колхозниктнэнь вейсэн промкссо жо сын апак кемекста. Сынст примизе сонсь Астафьев. Неть вере евтязь выродоктнэ (Бабин ды Кандин) икеле панезельтэ прок колхозной строентэ врагт. Бабин бес судязель. Ней сон наяв вети агитация СССР-нь Верховной Советс кочкамотнень каршо. Колхозонь председателесь Астафьев теевсь классово-враждебной элементнэнь подручнойкс. Сон топавты весе сынст мест. Аволь умок колхозниктнэнь эйстэ салава Бабинэнь максць мик премия.

Астафьев эрва кода колси велень хозяйствань артелен устави. Сонзэ кувалт кортазель комсомольской промкссо, ней Астафьев грози комсомолетнэнь эйсэ.

Комсомолец.

Толковизь ВЛКСМ-нь ЦК-нь IV-це пленумонть решениятнень

Косогор велень школань комсомольской организациясь аволь умок тейнес промкс, косо толковизь ВЛКСМ-нь ЦК-нь IV-це пленумонть решениятнень.

Пленумонть решениятнень коряс кортасть ламо комсомолетт, конат лангс ливтизь комсомольской организациянтэ асатыкстнень ды максть ламо практической предложениянтэ комсомольской организациянтэ роботанзо паролгавтоманть туртов.

Агапов.

Покш Березникень р-н.

Калавтызе пионерэнь отрядонть

Чамзинкань р-н. Мокшалай велень аволь полной средней школыс тонавтнемань югась нестэнтэ ульнесь организовазь пионерэнь отряд. ВЛКСМ-нь райкомось пионерэнь вожагойкс кучошнызе Аядришинань, кона эзь ветя культурно-воспитательной работа пионертнэнь ютксо. Сон эсь бездельничамосонзо калавтызе пионерэнь отрядонть.

Комсомолец.

Максомс вадря условият

Краснослободск. Овси берявть тонавнемань условияне полит-проветшколасонть. Общежития-нес арась радио, арась электричества. Секскак, тосо недлясонть ансяк кавксть кирвастнить лампат. Тонавничицненень а косо ютавомс эси т ютко шкаст, арась условият постановкань тейнеме, газетань, журналонь ловномо. Школасонть ули клуб, кона те шкас яла кодак а витневи.

Студент.

Колхозной паро-чинть салсицятненъ кекшиця

Чамзинкань район. Хлыстовка велень „Красный Октябрь“ колхозонь омбоце бригадасонть классово-враждебной элементненъ пуло-пелькстнэ салсить колхозонь ули-паронть, колхозной собственностень.

Омбоце бригадантень максозельть 40 ождят. Аволь пек ламо чинь ютазь сын кармасть емсеме. Бригадирэсь Гришкин мерсь, што мон кундаса те салсицятнэ. Но зарс сон яла караулясь, ождятне ды ламо лия сбруйтне весе салсезельть.

Ней Гришкин кортни, што сон содасы, кие те салсицяс, но а евтасы. Истямо тевесь пек подозрительной. Васняк, Гришкин приязно невти колхозной собственностень салсицятненъ покровительск. Омбоцекс, пры подозрения сон синзэ лангскак, аволь сынсь лисюлмавозь те тевенть марто.

П. Машутов.

„Велькор“, кона сюлмавозь народонь врагтнэнь марто

Народонь врагтнэ Туваев, Бабкин, Рузавин ды лият ютавтсть контрреволюционной нулгодксэв те вест Теньгушевань райононь школьной комсомольской организации. Явшесть контрреволюционной литература, калавтесть политико-воспитательной роботанть ды трудовой дисциплинанть преподавательтнэнь ды тонавницятнэнь ютско.

Саемс Сакзеева велень аволь полной средней школанть, косо роботы историйнэ преподавателекс Дружинин, сон жо „велькор“, кона сюлмавозь народонь врагтнэнь Бабкинэнь ды лиятнэнь марто. Свал сермалесь аволь виде материал „Комсомолонь вайгаль“, „Эрзянь коммуна“ редакциятнес. Редактортнэ а содыть кие сермады, политически благонадежной эли аволь, сын печатасть материалтнэнь апак проверки.

1935 це иестэ, зярдю тонавтнесь МКСХШ-сэ, комсомольской организации макссь тензэ строгой выговор дисциплинань калавтоманть кисэ. Кода Сакзеевань аволь полной средней школань комсомольской организации кармась сонзэ кочкамо комсоргокс, Дружинин эзизе ева выговоронть. Комсоргокс роботамонь перть лепштясь критиканть ды самокритиканть, кие кортась сонзэ асатыктнэде. Сон лангозонзо кучиль материал, што сон народонь враг. Ламо комсомолец пансь комсомолсто аволь виде причинань коряс.

Ней Дружинин панезь комсомолсто народонь врагтнэнь марто связень кирдеманть ды тонавницятнэнь аволь виде воспитанияньтнэ кисэ.

Исламкин.

Теньгушевань р-н.

Тонавтнить учебниктеме

Б.-Игнатовань район. Тонавнемань ваень читнестэ саезь ды те шкас средней школасонть занятияне ютнить беряньстэ. Дисциплинась ковкак а маштови, ламо тонавницят поздакшывть уроктнэс, ламот тоско школасонть таргить, пижнить.

Сех покш асатыксэсь сень эйсэ, што тонавницятнэнь арась учебникест.

Переменатне ютнить апак организова. Кодаткак налксемат, морсемат а эрсить. Политико-воспитательной робота тонавницятнэнь ютско комсомольской организации а вети.

Г.

ХУЛИГАНСТВА, КОНАНЬ ЛОВИТЬ НАЛКСЕМАКС

Шугуровань средней школасонть переменатнэсь молисть покш безобразият. Ютко шканть парсте, организованнойстэ ютавтома арась. Тень таркас жо тосо моли хулиганства, конань дирекцияськак, комсомольской организацияськак ловить налксемакс.

Кодамо жо те „налксемас“: тонавницятне тюрить, стякшныть прят лангс. Сентябрянь 29-це чистэ жо организовалесь карадо-каршо кевсэ ергнема, конань шкасто пек тапизь Зинов Николай тонавницятнэ приязно.

Курок паряк сонськак дирекциясь ды комсомольской организации примить участия те пек интересной налксемасонть, эли жо сон не пути истямо хулиганстванть, безобразиянтень.

И. Р.

Березниконь район.

Получасть пособият

Дубенки. Кабай велень Каганович ялганть лемсэ колхозонь колхозницатне: Куманева А. А., Девяткина А. трить 7 эйкакшт эрвась, Демяшкина Е. Т. ды Москалева В. М.—трить кавксонь-кавксонь эйкакшт, Чекашкина А. Н.—9 эйкакшт.

Весе сын сентябрь ковсто получасть государстванть пельде омбоцелде покш лезкс. Весе сын тень кисэ евтять покш пасиба ине Сталиннэнь.

И. Ярославкин.

Тонавтнек врагонть содамо

БАБИНЕ

Кевень стенась заводонь покш зданиянь яви сонзэ вакссо аштиця эрицянъ кудонть эйсэ.

Стенанть теэзь орта. Те кудосонть эриць робочейть. Шгобу а ютемс зяряя улыцятнэнь трокс, конатне кудонть явтыть заводонть главной совамо тарканть эйсэ, сын (робочейтне) ютнесте те ортанть эгза Ортатнэнь вакссо эрва зярдю аштесть винтовка марто часовой.

Кудонть кардайсь, аволь пек покш площадканть лангсо, стенанть малас пурнавкшныль пек ламо квартиратнэнь вишка эрицятне. Тесэ сын налксесте волейболсо, кирявтесть тешкетнезь „класстнэнь“ эгза.

Эйкакштнэнь, конатне налксесте кардайсь, часовоонть марто улынесь покш дружбасть. Сын содасть, што сонэнзэ мерезь ванстомс заводонть ды што, зярдю сон ашти пост лангсо, сонзэ марто кортнемс нельзя. Но кой-зярдю волейболсо налксемань шкастонть мячесь, конась ертовиль пек верев, эрсесь, ливтнэсь кевень стенаць трокс заводской кардазонть. Ды сестэ винтовка марто



Ленинско-сталинской национальной политиканть тевс ютавтомазю ливтизе Калмыкиянь культурно-хозяйственной могучей ки лангс.

Октябрьской Социалистической Ине революциянь 20 годовщианть Калмыцкой возрожденной народось васты культурной покш изнявкс марто, прок Советской Союзонь ине народтнэнь семиянь равноправной член.

СНИМКАСОНТЬ: Нимеев Гюмзюк Нимеевич калхозникенть кудосо. Нимеевич улынесь колхозникень-ударникень Весесоюзонь с'ездсэ.

Фотесь А. В. Скурихинэнь. (Союзфото).

ОКТАБРЯНЬ XX-це ГОДОВЩИНАНТЕНЬ

Кабай велень средней школань тонавницятне анокстыть Октябрьской революциянь XX-це годовщианть вастомо.

Тонавтыть 2 пьесат, революционной стихт ды морот, киштнемат. 9-це классонь тонавницятне анокстыть пирамидат.

Тонавницятнэнь ютско яла седык келейгады соцпелкстамось

парсте тонавнеманть кис. 10-це классонь тонавницятне Зорькин Яша, Денисова Анна, Селекшинов Вася ды 9-це классонь тонавницятнэ Денисова Вера, 8-це „А“ классонь тонавницятнэ Е. Агеев ды лият ине празникенть вастыть отличной отметка марто.

И. А.

Дубенкань вайон.

Анокстыть Октябрьской читненень

Чамзинка. Мокшолеев аволь полной средней школасонть тонавницятне кармасть анокстамо Октябрьской революциянь 20-це годовщиантень.

6—7-це класстнэсэ тонавницятне эсь ютковаст сермадтасть соц-

договорт „отлично“ тонавтеманть. Солодовников К. тонавницятнэ аноксты революционной стихт. Драмкружокось аноксты „Враги“ пьесань. Вадрасто ладзэ стенгазетань нолдтнемась.

Скупневский Т.

Анокстыть ине празникентень

Кеяде велень аволь полной средней школань тонавницятне анокстыть Октябрьнэ Ине революциянь 20-це годовщианть вастомо отлично ды парсте тонавтемасо.

Ней Седойкин, Деппов, Никитина ды лия тонавницятне весе предметнэнь коряс тонавтнить отлично.

Школасонть улить комсомольской ды пионерской организации, но сын метькак а тейнить. Пьесат ды революционной стихт ай-анокстыть, пионернэ отрядтнэсэ те чис арасель вейкеяк сбор.

П. Р.

Дубенкань р-н.

мань алсе приступканть лангсо аштесть бабине. Сонзэ приязо сюлмазь пацсо, ды сонсь весе кодамо бути сморщавь. Истят бабинет Светлана нектнэктнэсь, ансяк зярдю сон ававзо марто ютнэсь церквова вакса.

— Эйдне: вечкевиксе, яла чийнат, налк'ят, мерсь бабинет Светланаэнь, — мон жо вана, сыре бабине, совинь перам туртов, сон жо арась, квартирась пекстазь, вана аштан оймсан, учан, учан, зярдю сы...

Светлана вадричестэ ваннос бабинет, сон овси эзь пеле. Ансяк арсесь содамо: мекс истя оймсеме сон валгсь мацсэ, косо истя якламо, летьке, рудаз, мекс сон а моли кардазов, улыцяз, косо истя весела, ламо чи-валдо, лембе.

Бабинет улынесь вадра ды кортыця. Зепканзо вешнемадо мейле, сон Светланаэнь венстась канфетка—ды кодамо? — „овтыне“! Тейтернэсь сынст истя вечкизе. Светлана кеместэ кедезанзэ сювордызе казненъ, решась невтемс сонзэ Марусянэнь, мейле жо уш севеме.

Теке шкастонть бабинет сысь приступкатнэстэ, конатнэнь лангсо аштесть. Сон улынесь вишкине, оршазь раужосо. Сонзэ суронзо теке тев бузмолдсть.

(Пезэ 4-це страницасо)

Испаниясо фронтнэва

Чи лисемань (арагонской) фронтсонть итальянской „Голубые стрелы“ бригадань частные октябрынь 2-це ды 3-це читнестэ, 30 танкатнень лездамост коряс, колмоксты атаконь республиканской войскактнень Суэра велень районсонть (Сарагосы ошонтэ эйстэ северэв), но ульнестэ изнязэ, сынестэ теезэ покш емавкст. Октябрынь 5-це чистэ правительственной артиллериясь бомбардировизе фашистнень якомонь кист Теруэля ошонтэ маласо.

Северной фронтонь чи лисема частьсэнтэ республиканской войскактне октябрынь 5-це чистэ занизэ 408 высотанть, конась Лабра велентэ эйстэ север ено, нельгсты вейке пулемет, ламо винтовкат ды военной снаряженият.

Лия фронтнэсэ положениась общественнои переменаавтомо.

Ненастиатнень самост марто военной действиягнэ весе фронтнэсэ пек киртявсты.

Китайсэ военной действиятне

КИТАЙСКОЙ 8-це АРМИЯНТЬ УСПЕШНОЙ ДЕЙСТВИЯТНЕ

Шанхайской фронтсонть октябрынь 4-це ды 5-це читнестэ мольтэ пек виев бойтэ Чапей районсонть (Шанхаень северной квартал) ды Лодянь, Люцзянь велетнэсэ (Шанхайстэнтэ север ено). Кавонест енкстнэсэ тейневить покш емавкст. Японской частнень упорной атакаст успешно изнить китайской войскактне.

Чапей районсонть октябрынь 4-це чистэ ульнестэ теезэ коштсто пек виев бомбардировка. Башка аволь пек покш участкне ульнестэ бомбардировазэ ве шкасто 2—3 самолетсо.

Шаньси провинциянь Северной частьсэнтэ действующей китайской 8-це армиясь Чжу Зень командованиянзо коряс яла тейни вачкодкст японской интервентнень войскактнень. Октябрынь васеньце чистэ китайской войскактне мекев нельгизэ японцятнень кестьтэ

уездной Шочжоу ошонтэ. Китайсэнтэ сайсты пленс японской 200 солдатт. Октябрынь 2-це чистэ китайской войскактне эцестэ икелев 20 километрань таркас ды занизэ Цинпин ошонтэ, сайсты 200 пленнойт, истя жо ламо военной снаряженият, коватнень ютксо 8 танкат, 15 бронемашинат, 5 грузовикт, 2 пулеметт ды 30 винтовкат. 8-це армиясь действует башка 3 группасо ды келейстэ тевс нолды партизанской тактикантэ японской войскактнень тылсэ.

Японской сообщениянтэ коряс, японской войскактне, конат молить Тяньцзинь-Пукоувской кшини кинть кувалт, Шаньдун провинциянтэ потмос, октябрынь 5-це чистэ састэ Гучено ошонтэ малас.

Сентябрынь 28-це чистэ японской войскактне тейсты жестокой расправа Шуосянь ошонь мирной эрицятнень.

КИТЬ ТЕ ТЕВЕНТЬ ТЕИТЬ

Эрва иене Саранскоень банянтэ яла витнить. Тедиде сонзэ эйсэ витнестэ кизэнь перть. Банянь заведующеесь Козлов мик эзэ машто теэмс сень, штобу ремонтосэ улелель прыдозь шкасто. Эрвась учомс, што кизэнь перть витнемадонть мейле банянь карми роботамо парсте. Арась, истя эзэ лисе. Кода икелень итнестэяк эрва витнемадонть мейле тейнить яла од витнемат, роботасть жо а

молил. Нейгак истя тевесэ ашти. Сы иестэ таго секенъ вант кизэнь перть кармить „капитальной ремонтонь“ тееме. Кить жо тосо орудовать, эрва иестэ банянтэ яла боуто витнить, ютавнтить ламо средстват, но тев арась. Аволь вредительтэ ли тосо орудовать?

Ней банясонть малав эрва чистэ а эрси то кельме ведь, то пси ведь. Зярс те карми молема? В. Бардин.

БАБИНЕ

(ПЕЗЭ)

„Прок чанжав левкст“, — арсезевсь Светлана. Сон мольтэ тейтернень малас ды кармась сонзэ вадяшкватнеме прыва. Ды тедэ кармась улеме кода бути а паро. Светлана шаштэ ве енов.

— Эйдне, вечкевиксе, кодамо те истямо кудосэ тынкентэ вакссо? — кевксельсэ бабинесэ.

Светлана дивазевсь. Кода истя бабинесэ а соды, што тосо завод? Ды капшась толковамс тень сонензэ.

— Ортанть икеле жо мейсэ перасэ ружия марто ашти?

Светлана кепединзэ лавтовонзо:

— Те жо часовой, соч вансты заводонть.

— Ды киньгак товой а нолдтнй?

Тейтернень ульнестэ мелезэ шнамс эсэ прынтэ:

— Монь нолдтнесамам.

— Ну—да,—а кемезевсь пеедевсь бабинесэ.

— Нама нолтнесамам,—кеместэ мерсь Светлана.

— Те нолдтанзат, поцо жо тосо лия ломань ружия марто, чей, ашти. Сон нейдянзат тонь ды панданзат.

Светлана пренебрежительно ахотсь кестьсэзэ:

— Арась, а несамам. Сон васоло ашти, лия стenanть вакссо.

— Ды кияк больше кардайсэнтэ арась?

Ответаытэ Светлана аламо до эзизе ента. Да, заводской кардазонь се пельксэнтэ малав кияк а эрси. Но Светлана ответаытэ эзизе ента, сонзэ мелес ледсь, што тетязо кортнесэ, ды школасо як мернекшнестэ седе, што а эрви лавгамс, што эрви улеме осторожнойкс а содавикс ломантнень марто кортнемстэ. Тейтернесэ аламо до эзэ карма авардеме. Сон истякак уш ламо лавгась. Важась верев, эйкакштнэненъ.

— Бабином, тон учомак. Мон ней туян, невтьса эсэ прям ды таго сан кекшемэ! — сергедсь сон ды тусь чиезэ, киякшнестэ приступкатнень трокс.

Вана сон таго кардайса. Чопода мацтонть мейле чистэ вачкодсь сельметнень ды аламос чополгавтынзе. Чиезэ тусь Светлана эйкакштнэненъ. Капшамодонть сорныця вальгейсэ, евтнэзе бабинентэ марто васодемадо, сонзэ кевкстнемадовзо. Кемемань кист невтьсэ „овтынентэ“.

Эйкакштнэ персте кулсоностэ сонзэ.



СНИМКАСОНТЬ: Мадридэнтэ лангс (Испания) фашистской артиллериянтэ леднема. Мадридэнтэ Ганд Винаса главной ульясонть снарядонь сезевемась.

Школасонть подозрительной ломанть

Дубенкань средней школасонть течень. чис роботыть народонь врагтнень Нуянзинэнь ды Логиновонь приспешниктне—школань директорось Учаев ды историянь преподавателесь Петров. Учаев пути весе виензэ сенень, штобу школасонть теэмс семейственность. Истя, сон эсинзэ нинзэ Калдымовань аравтызе библиотекарекс школас, конась овси а роботы, но ярмакт получи. Тедэ башка, Учаев эсинзэ лапа алов саинзе чуждой элементнэнь Ястребовонь ды Апраксинэнь, конатне тонавтницятнень ловнокшнеть вредной стихт.

Школасонть неть ломантне овси атак провера ды сын пек подозрительнойт. Мекш.

ОЗИМТНЕ ПАРТ

Ардатовань район. Ташто Ардатовань велень „Од эрямо“ колхозсонть озимень видеамась прыдозь шкастонзэ ды вадрясто. Колхозниктэ борокшть сень киезэ, штобу сы иестэнтэкак саемс истямо жо скупав урожай, кодамо ульнестэ тедиде. М. Гайгин.

А косо ютавтомс чокшнетнень

Чамзинкань р-н. Мокшалай велень клубонь заведующеесь Девяткин клубонть свал кирди панжоме эхксэ. Од ломантнень ды колхозниктнень чокшнэ ланга молема а ков. Пуромить клубонть икелев, морсить теить ды тукшнеть кудова.

Комсомольской организациясь воспитательной роботань ветямонть лови аволь эсэ тевекс, секс мейсэ как а тейни.

Грикс.

Гарькин эзизе топавто студентнэнь кемемаст

Ардатовань педучилищань профсоюзной организациясь сентябрынь 23-це чистэ сазэзэ 26-це чис ютавтэс отчетно-кочкамонь промкс. Отчетной докладонть теизе профкомонь председателесь Н. А. Гарькин.

Промксонть прениясо кортасть 15 ломанть; конат лангс таргизь профкомонть ды васняк Гарькинэнь роботасо асатыкшнэнь. Гарькин эзизе топавто студентнэнь кемемаст, эзэ ветя культурно воспитательной кодамоак робота студентнэнь ютксо. Профсоюзной организациясонть улитэ истят члент, конат 6 ковт эсть пандо членской взност, 14 ломанень арасть членской билетэст.

Студенческой столовойсэнтэ заведующеекс роботасть Адеев, кона ней судязь принроботас, сон профкомонть сельмензэ икеле ветясь вражеской роботанзо, растратил государственной ярмакт 1100 целковойт. Подделывал документт. Секе тев снмнесь винадо.

Профорганизациясь кодамоак робота эзэ ветя тонавтниця ударниктнэнь марто. Ульнестэ лепштызэ критикась ды самокритикась. Стенгазетась малав овси эзэ лисе. Антирелигиозной робота студентнэнь ютксо арасель, секс общжитиясо кой-кона студентнэ ветясть религиозной пропаганда. Общежитиясо морсестэ антисоветской частушкат. Школасонть ульнестэ семейственность, круговой порука, месткомонь председателесь аравтызе робота столовойсэсинзэ роднянзо, кона ульнестэ судязь ды оргодсь труд колониясто.

Промксось кочкась од профком ды председателекс кочказь Бада-нов ялгась.

Быков.

Ардатовань район. Шкань ответ. редакторось Д. АДУШКИН.

3. Тазин.

(„Пионерская правда“).